



明詩正聲卷三十二 七言律詩二

廣陵

盧純學


江一夔校閱

車駕渡江

曾祭

朱旗画戟擁隄沙
錦纜牙樯照浪花
佳氣迴浮江北樹
曉光初絢海東霞
雲中鸞鳳扶丹輦
水底魚龍識翠華
不用臨流羨天塹
只今四海盡為家

項羽廟



百戰休論蓋世功，鴻門宴罷霸圖空。
悲歌慷慨孤燈下，伯業銷沉一炬中。
露濕古墻秋蘚碧，霜寒老樹夕陽紅。
英魂若到彭城路，肯聽高臺唱大風。

送陳司封使哈烈

星軺此去遠人歡，親賜貂裘不畏寒。
萬國喜通周譯史，諸藩爭識漢郎官。
南天音信憑鴻寄，西越山河駐馬看。
聖代遐方同輦轂，臨期莫歎路漫漫。

盧溝曉月

渺渺平沙接遠隄，一川殘月石梁西。
光連古戍迷鴻影，寒逐清霜入馬蹄。
雲淡漸隨銀漢沒，烟空微映玉繩低。
經過曾此陪仙蹕，兩度停驂聽曉鷄。

送陳郎中重使西域

曾驅宛馬入神京，拜命重為萬里行。
河隴壺漿還出候，伊西部落搃知名。
天連白草寒沙遠，路遶黃雲古磧平。
却憶漢家燃戰伐，道傍空築受

降城

送道士歸桃源

霞佩何年別翠岑
迢迢歸路武陵深
種來白石皆成玉
煉就丹砂已化金
陰洞靈符應尚在
仙房瑞檢得重尋
桃花開遍無人到
風滿衣裳露滿簪

東華門內新館初成入直有作

東華樓觀鬱岩堯
高閣新成抗碧霄
秘府圖書金作匱
御溝流水玉為橋
草分翠色承殷輅
鳥

弄歌聲和舜韶
倬直幾回清坐久
隔簾時有御香飄

謁洞庭君廟

郭登

停舟一拜洞庭君
古廟荒涼對夕曛
鳥跡下庭書作字
蝸涎侵壁篆成文
江通巴峽風濤壯
山過寧陵楚蜀分
簫鼓不來鴉陣散
滿階黃葉自紛紛

岳侍講自謫所取回京

蚤登黃閣贊經綸
欲報君恩敢愛身
青海四年

日言上卷
卷之三十三
三
羈旅客白頭雙淚倚門見
鳴璫又喜趨仙仗
補袞還思用舊臣
謾道歸來心便了
天涯多少未歸人

經舊戰場

一夜西風捲漢旌
連營兵甲散如星
孤臣獨抱終天痛
諸將難逃誤國刑
自恨中原無猛士
誰知高廟有神靈
黃河白骨斜陽裏
衰草連天戰血腥

山中送陳生歸海上

王儼

洞口花飛春欲闌
玉缸携酒送君還
三年厭見天涯月
千里歸尋海上山
壯志功名看髮變
浮雲世事與心閒
要知別後相思意
萬壑松風嬾閉關

賦得白鴈送人之金陵

王恭

燕山榆葉望秋稀
雪羽蕭蕭向楚微
夜雨蘆花看不定
夕陽楓樹見初飛
影隨漢騎營邊落
夢遶胡兒笛裡歸
君到石城霜漸冷
暮雲聲斷欲沾衣

別陳志鴻罷官歸

得官何似罷官閒
閩海秋風一騎還
五嶺黃茆通驛路
百城寒水接鄉關
離心不碎霜中柳
歸夢應尋鳥外山
聞說舊游多鷄薦
未應空老薜蘿間

為林中州題馬圖

漢家神驥出宛西
鳳臆蘭筋破月題
冀北群空知汗血
長揚獵罷見霜蹄
青絲引轡穿花入
黃帕蒙鞍對御嘶
莫道時平淹棧豆
飛騰思與六

龍飛

吳城懷古

姑蘇城下刺蘭橈
却憶吳王古市朝
香輦路邊春寂寂
館娃宮外草蕭蕭
千年往事空啼鳥
半夜疎鍾自落潮
明燄不堪回首處
暝烟秋雨過楓橋

江南春盡有作

郭外空林帶夕霏
海天離思遠依依
流年又逐殘春去
華髮空驚兩鬢稀
啼鳥落花孤夢斷
白

雲芳艸舊游非家園此日堪

六涯客

未歸

登劍臺望京華作

王紱

一上高臺首重回五雲何處是蓬萊帆隨鴈影
天邊去人共春光日下來淮甸烟消平似掌河
流水泮碧於苔翠華行幸應非遠佳氣氤氳繞
上台

送徐千戶之甘州

胡奎

春寒初試越羅袍不惜千金買寶刀馬援橐中

無意苾張騫槎上有葡萄崑崙西去黃河遠函
谷東來紫氣高何事相逢又相別隴雲邊月夜

蕭騷

送人還鄉

浦源

都門楊柳拂離筵歸路青山水國連三月春陰
垂細雨幾家寒食起新烟聽鷺谷口停行蓋立
馬江頭問渡船此去故園應酒熟杏花開遍草
堂前

送人之荆門

明言上卷之三十一
長江風颺布帆輕西入荆門感客情三國已亡
遺舊壘幾家猶在住荒城雲邊路遠巴山色樹
裏河流漢水聲若過旗亭多取醉不須弔古謾
題名

寄袁二

長安年少羽林郎騎射唯能事武皇弓影醉開
孤月滿刀頭新買百金粧聽鷄曉闕踈星白走
馬春郊細柳黃應募玉門關外去請纓生繫左
賢王

送周君往四川

練安

駟馬橋邊秋水多郎君此去意如何衡陽雁字
驚寒早巫峽猿聲入夜多一水東來通漢沔衆
山西上接岷峨少陵祠宇清溪曲為瀉枿漿試
一過

江上書懷寄周玄林敏

唐泰

昔年曾共醉蘭舟明月閒情憶舊游獨客荒村
空向暮異鄉多病厭逢秋殘烟古戍聞寒笛落
日楓林見驛樓為報別來憔悴甚漫因樽酒一

銷憂

晚次雪峰寺

微霜落葉度關河古寺清秋掩薜蘿
輕策獨隨飛鳥去好山偏向夕陽過
三花祇院逢僧少獨樹空臺積雨多
暫盍朋簪耽勝果下方塵土易蹉跎

六如亭懷古

鄭定

香魂艷骨瘞崇阿瘴雨蠻烟奈尔何
苔上舊碑行客弔蘿深荒徑野僧過
山花寂寞留妝靨堤柳青青想翠娥
落日平湖風乍起餘情并入采菱歌

賦得函谷關送賈一

周玄

西望長安愴別顏沙城迢遞白雲間
行人惡聽河聲險舊路長連草色閒
樹裏月來通漢苑天邊雲霽傍秦山
憑君如見關門尹為問青牛幾日還

秣陵懷古

劉秩

秣陵風物近如何兵後登臨感慨多
雲淨石頭

秋嶂出月明淮口暮潮過離人暗滴青衫淚商
女空懷玉樹歌忽憶舊時驄馬客于今白髮老
山阿

守宮詩

湯胤勣

自是宮中一粒丹記時何易守時難鴛鴦夢冷
情初斷蜥蜴魂消血未乾榴子色分金釧滑茜
花光映玉鈎寒幾回試捲香羅袖留與君王仔
細看

從遊西苑

楊士奇

廣寒宮殿屬天家曉從宸游駐翠華瓊液總頒
仙掌露金支皆插御筵花棹穿萍藻波間雪旗
颭芙蓉水上霞身世直超人境外玉盤親捧棗
如瓜

賦得蕭關古道送嚴大赴甘肅

鄭珞

三年裘馬度蕭關沙草茫茫道路難古戍日斜
人去少晴川春盡雪初乾天低壠樹烟塵淨月
照邊城鼓角寒盛世壯游須買醉謗勞倚望斬

樓蘭

客夜

鄭起

西風蕭蕭木葉稀
秋深作客何時歸
城頭月出照擊柝
江上露白催搗衣
鴻雁附書遠莫致
烏鵲遶樹驚還飛
三更不眠欲起舞
躍馬卧龍誰是非

新秋早朝

王璠

宮井梧桐一葉飛
新涼先到侍臣衣
蒼龍闕上銀河轉
丹鳳樓頭玉漏稀
曉仗分行環御輦
夕郎鳴佩出仙闈
自憐虎觀叨陪從
簪筆慚無補萬機

送邊將還舊鎮

熊直

易水長城本舊丘
旌旗西上路悠悠
朝吹出塞平羌笛
夜坐籌邊古戍樓
飲馬直從青海上
射鵰還過黑山頭
玉門關外思歸老
定遠應辭萬戶侯

登柳州城樓

嚴貞

獨上江樓望海天
異鄉愁思正茫然
溪雲暝帶

枕柳雨野日晴消薜荔烟百越山河通嶺徼半
江菰米熟秋田舊遊別後多零落日斷滄波只
自憐

長安春望

謝復古

南山晴望鬱嵯峨上路春香玉輦過天近帝
城雙闕迴日臨仙仗五雲多鶯聲盡入新豐樹
柳色遙分太液波漢主離宮三十六樓臺處處
起笙歌

金山寺

趙宗文

水天樓閣影重重化國何年此寄踪淮海西來
三百里大江中湧一孤峰濤聲夜恐巢枝鳥雲
氣朝隨出洞龍幾度欲登帆去疾蒼茫遙聽隔
烟鐘

秋日江館寫懷

徐璣

水國天寒樹影稀西風又見雁南飛郢中白雪
無人和江上青山有夢歸獨對浮雲傷往事驚
看秋草又斜暉十年浪迹烟波外滿眼塵氛未
拂衣

送胡學士楊金二侍講扈駕北伐

黃守仁

六師北伐繞龍城
遙羨詞臣扈蹕行
兵略曾從圯上得
檄書多向御前成
黃沙白草雲隨馬
盡戟離戈雪照營
應想居庸關外路
東風歸旆凱歌聲

松陵夜泊

史鑑

城陰分手即天涯
嶺樹江雲別路賒
未到故園猶是客
忽聞鄉語似還家
燈前今夜愁無寐
鏡裏明朝髮有華
欲問歸舟何處宿
月明和鴈在蘆花

行經華陰

谷宏

雲開太華倚三峰
積翠遙連渭水東
遠塞鴈聲寒雨外
離宮草色暮烟中
秦關日落行人少
漢時天陰古戍空
寂寂武皇巡幸處
祠前松栢起秋風

送郭汝享歸田

林真

一尊相送思無涯
烟樹蒼蒼入望賒
白首十年

嗟去國青山萬里喜還家
鐔津月冷猿聲斷螺女江空
鴈影斜君到澤湖應暇日
春來多種故侯瓜

送使嶺南

桑悅

七閩南去路迢遙五色雲中御使輶
持節好宣天子命觀風當采野人謠
鷓鴣啼處山初雨椰子香時酒一瓢
記取都門相送日高秋落木正蕭蕭

廬山

李時勉

匡廬高起鬱嶙峋翠擁蓮峰倚斷雲
天闊秋陰千里合風清林籟半空聞
松岩雨過泉聲出仙掌飛霞樹色分
終古名山留勝槩幾回臨眺到斜曛

送楊郎中南征

劍佩朝辭虎豹關獨騎駿馬佐平蠻
宣威直過牂牁外料敵多從尊俎間
潞渚南行三月雨滇池西去萬重山
明年此際薰風裡遲爾鳴珂奏凱還

居庸關

重關深鎖白雲秋
天際諸峰黛色流
北枕龍沙通絕漠
南臨鳳闕壯神州
煙生睥睨千岩曉
露濕夫容萬壑秋
王氣自應成五彩
龍文長倚日光浮

早春寄京師白虛室先生

銜績

帝城佳氣接烟霞
草色芊芊紫陌斜
霽雪未消雙鳳闕
春風先入五侯家
歌鐘暗度新豐樹
游騎晴驕上苑花
獨有揚雄才思逸
應傳麗句滿

京華

送大司馬程公南征

秦夔

雙旌遙指洞庭西
萬里籌邊事鼓鼙
玉帳夜寒刁斗急
轅門秋黑陣雲低
腰間龍劍縣秋水
篋裏天書照紫泥
會有恩威及南服
犬狼相繼入封題

已巳書憤

劉溥

塞鴈南飛又北旋
上皇音信轉茫然
孤臣自奮無容地
逆虜猶存共戴天
王衍舊時知石勒

謝玄何日破苻堅京城四塞山河固一望龍沙
一淚連

登凌歊臺

吳源

晚風扶醉上凌歊獨樹殘陽思寂寥歌舞盡隨
臺榭滅英雄已逐伯圖銷黃山樹色空啼鳥采
石江聲半落潮惆悵不須嗟物換六朝遺事總
蕭條

遊靈巖寺

正統二年九月七日

薛瑄

靈巖有路入烟霞臺殿高低釋子家風滿迴廊
飄墜葉水流絕澗泛秋花青松閱世風雷古
石題名歲月賒誰謂無生真可學山中亦自有
年華

沅州雜詩

辰沅風壤帶三苗一望中原萬里遙翼軫衆星
朝北極岷嶓諸嶺導南條天連巫峽常多雨江
過潯陽始上潮近日詩懷殊浩蕩謾將新句荅
漁樵

滎陽詠古

蕭蕭涼吹動秋空千古河山一望中廣武連營
秋草碧鴻溝分壤夕陽紅石鱗有甲含蒼蘚鉄
馬無聲散曉風何限英雄俱泯滅白雲依舊出
層峰

沔池次劉僉憲韵

行過峭陵到沔池九秋黃葉拂人衣風來澗水
波聲急霜下韶山樹影微地遠黃河連暮靄峰
高白石淡秋暉當時秦趙同盟處只有荒臺鳥
雀飛

遊青羊宮

青羊宮觀鬱崔嵬遙指函關紫氣來雪嶺地應
通閬苑錦城江自繞蓬萊萬竿石笋生玄圃三
秀仙芝長綠苔此地何年曾蛻骨至今虛谷有
風雷

送陳員外子魯使西蕃

王洪

劍騎翩翩出武威關河秋色照戎衣輪臺霜滿
逢人少蒲海天空見雁稀蕃部牛羊沙際沒羌
民烟火磧中微茲行總為宣恩德不帶葡萄首

菴歸

贈李將軍

王英

青春玉帳樹牙旗
蒲海風高列陣時
夜斬單于冰上度
曉驅番馬雪中騎
功存鐵券書丹字
冠着金貂侍玉墀
誰道廉頗今白髮
指麾猶可萬人師

居庸

千峰高處起層城
空裏岩峩積翠明
雲靜芙蓉開霽色
天清鼓角散秋聲
北連紫塞烽烟斷
南接金臺驛路平
此地由來稱設險
萬年形勢壯神京

秋日書懷

蘇平

十年京國弊貂裘
萬事無成已倦游
客裏青衫司馬淚
天涯明月杜陵愁
秦淮烟暝砧聲暮
楚澤雲深鴈影秋
南望故園歸未得
懶將詞藻賦登樓

戎王出獵送魏汝賢之遼陽
陳昌

八月龍岡草木凋
名王射獵出天驕
絨絛背日

翻金鷲羽箭穿雲落皂鷗得雋未須紅匝匝割
鮮且進紫葡萄關氏醉倒穹廬底回首長城月
正高

秋江送別為戴友諒賦

項伾

蕭蕭落葉早寒天忽送秋聲到耳邊千里客心
驚歲月五湖鄉夢入風烟青山紅樹還家路明
月滄洲載酒船夜半燈前對兒女白頭重話謫
居年

登大同城樓

王越

鼓角嚴城及暮秋碧天如水晚雲收青山落日
生邊色涼月西風滿戍樓誰有雄才能破虜我
無竒骨可封侯盡將十五年前淚灑向桑乾水
共流

出城

劉大夏

曉來聯騎踏晴沙風景蒼茫一望賒幾處白雲
前代寺數村流水野人家鶯啼別墅春猶在馬
到西山日未斜回首不知歸路遠九重宮殿隔
烟霞

送王成憲歸蘇州省母

李東陽

曉風殘雨送春寒一曲離歌意未闌
都尉府中新捧檄侍郎門下舊彈冠
貧憐菽水為歡易老惜江湖見面難
已辦綵衣隨畫舫風流未數晉潘安

盧溝曉月

霜落桑乾水未枯曉空雲盡月輪孤
一林燈影稀還見十里川光澹欲無
不斷鄰鷄催短夢頻來征馬識長途
石欄橋上時翹首咫尺清虛憶

帝都

送陳郎中子魯再使西域

王直

翩翩征旆出皇州瀚海崑崙是昔遊
塞外風雲隨使節天涯霜雪敝征裘
還家不論千金橐佩印須為萬戶侯
想見蕃夷歸聖德自西河水亦東流

賜午門觀燈

陳九宗

鰲峰千仞鬱嵯峩春色遙涵太液波
明月只隨仙仗轉深雲偏近御筵多
星橋影動黃金闕火

樹光翻白雪歌共幾年華拚盡醉承恩不問夜如何

別廬山

邵寶

山北山南幾度遊春風到處得相留鹿聽李白祠前雨菊采陶潛宅畔秋星落半湖蒼島出泉分雙澗白雲流五峯明月新亭興它夜江天獨倚樓

乞終養未許

乞歸未許柰親何帝里風光夢裡過三月春寒

青草短五湖天遠白雲多客囊衣在縫猶密驛騎書來字欲磨聖主恩深臣分淺百年心事兩蹉跎

早朝

石珣

蓬萊宮闕玉為橋曳履年年侍早朝爐藹着衣如過雨御溝搖月欲生潮未排閭闔心猶壯纔望金莖渴已消奏罷從容過東觀五雲隱隱聽笙簫

宿丹陽聞笛

吳寬

烟冷江空孤月明夜深人靜浪初平故園繞隔
二百里短笛不禁三四聲樹遠丹陽臨古驛山
圍鉄甕望高城相逢盡是離家客共向蓬窗說
旅情

西山勝刹應制

楊守阯

四海昇平百度新西山諸刹倚青旻烟霞棧道
通仙境金壁樓臺隔世塵萬壑松風和梵唄千
門蘿月照禪身晨鐘暮鼓香燈裡祝我皇圖
億萬春

送人還京口

秦旭

青楓江上葉蕭蕭汴水淮雲去路遙宮燭漸低
鄉夢斷家山將近客愁消霜寒鉄甕秋聞柝月
落揚州夜聽潮厚祿故人如我問白頭甘作惠
山樵

長蘆晚發

張琦

扁舟病起試滄浪猿臂篙師水技長日照灘泥
通海白風吹江氣入雲黃樵漁亂棹深柳鷺
鶴清流下夕陽迢迢青徐行入眼三淮終恐是

他鄉

金源諸陵

儲懽

長白山高朔漠連金源風色故依然千秋魂魄
猶思沛萬里丘陵却到燕感事重翻江統疏傷
心莫問靖康年幽蘭一燼雄圖歇汝水悠悠入
墓田

楚江秋曉卷

沈周

天連湘漢水悠悠水色微茫接素秋殘月已沉
三國恨亂雲初散九疑愁南方流落身將老西

候蕭條客倦遊欲采蘋花恨無伴美人迢遞隔
滄洲

從軍行

馬上黃沙拂面行漢家何日不勞兵匈奴久自
忘甥舅僕射今誰托父兄雲外旌旗踈勒渡月
中刁斗受降城左賢早待長繩縛莫遣論功白
髮生

秋曉

葭莢蒼蒼白露稀蕭條江色帶晴暉平沙鴈逐

寒潮起野樹鴉隨亂葉飛漸見九溪如練淨尚
憐三戶似星稀不堪昨夜南遊客愁向西風憶
授衣

翠屏山佛祖庵

成始終

松竹陰深石磴斜翠屏樓閣鎖烟霞數峰西澆
蒼龍窟二水東分白鷺沙香積山厨炊苜蓿雲
深禪榻淨袈裟岳扉寂寞春風煖開遍碧桃千
樹花

塞上

王清

西風關外雪初晴懷古思鄉百感生玉帳枕戈
人萬里鐵衣傳箭夜三更夢迴絕域烏桓地戰
罷空山勅勅營烽火微茫天去遠月明鴻鴈送
秋聲

寄彭總兵

李晟

不辭身老玉門關帝命重來鎮黑山宛馬盡
歸龍種至番城既定虎牙閒籌邊方叔心逾壯
草檄陳琳髮已斑枹鼓不鳴胡騎遁將軍塞上
射鷗還

遊西林菴

張通

野寺蕭條一逕微
山僧相見語禪機
雲深石洞玄猿斷
烟鎖松林獨鶴歸
上界踈鐘通碧落
邊城寒角送斜暉
浮生自覺渾無定
欲解鳴珂問釣磯

明詩正聲卷三十二

明詩正聲卷三十三 七言律詩三

廣陵

盧純學

編輯

江一夔

校閱

赴郊觀宿

李夢陽

城邊水色靜春芽
苑外鶯啼拂露梢
萬戶烟花臨複道
九天宮殿鎖南郊
霓旌夜燄清溪繞
彩仗晨飛碧樹交
身到鈞天渾不解
坐聞仙樂下雲旂

桂殿

明言上卷
桂殿芝房曙色通垂垂苑柳綠煙中桑乾斜映
千門月碣石長吹萬里風已有金吾嚴御陌遙
傳玉輅下齋宮侍臣肅穆松陰裏時倚紅雲望
碧空

秋懷

慶陽亦是先王地城對東山不窟墳白豹寨頭
惟皎月野狐川北盡黃雲天青障塞收禾黍日
落溪山散馬羣回首可憐鞞鼓急幾時重起郭
將軍

其二

宣皇玉殿空山裏野寺霜黃鎖碧梧不見虎賁
移大內尚聞龍舸戲西湖芙蓉斷絕秋江冷環
珮淒涼夜月孤辛苦調羹三相國十年垂世一
愁無

其三

大同宣府羽書同莫道居庸設險功安得昔時
白馬將橫行早破黑山戎書生誤國空談裡祿
食驚心旅病中女直外連憂不細急將兵馬備

遼東

出塞

黃河白草莽蕭蕭青海銀州殺氣遙
關塞豈無秦日月將軍獨數霍嫖姚
往來飲馬時尋窟弓箭行人日在腰
晨發靈州更西望賀蘭千嶂果
雲霄

九日寄何舍人景明

九日無朋花自開登樓獨酌當登臺
孤城落木天邊下萬里浮雲江上來
但遣青尊常不負從

教白髮暗相催梁南楚北無消息
塞鴈風高首重回

送張訓導棄官為母

蜀道干戈暮角悲水行溪壑轉春姿
辭劉徐庶心先苦回馭王陽顧不遲
正月巴山猶碧樹孤舟峽口已黃鸝
併吞割據千年事愁見岷峨有
戰旗

春望東何舍人

城南春
憐小苑高樓生暖煙幾家芳草

斷腸處無數落花吹笛邊川原萋萋入暮雨車
馬駸駸矜少年欲向仙郎誇白雪陽春久已絕
人傳

酬見素林公以詠懷詩見寄

青天萬仞削芙蓉憶踏匡廬第一峯哀壑暮雲
埋虎豹大江春浪變魚龍天池御筆親呵峭石
室山僧獨扣鐘絲筆昔曾霄漢上舊題應破紫
苔封

朱仙鎮

水廟飛沙白日陰古墩殘樹濁河深金牌痛哭
班師地鉄馬驅馳報主心入夜松杉雙鷺宿有
時風雨一龍吟經行墨客還詞賦南北淒涼自
古今

出塞

黃河水遶漢宮墻河上秋風鴈幾行客子過壕
追野馬將軍韜箭射天狼黃塵古渡迷飛輓白
日橫空冷戰場聞道朔方多勇略只今誰是郭
汾陽

追舊寄徐子

憶昔逢君雪滿途，遙憐為客向江湖。
看碑定憶羊開府，作賦先投楚大夫。
日黑魚龍逐夢澤，草青麋鹿上姑蘇。
空回玉軫思流水，不得驂騑見過都。

和毛監察登明遠樓之作

院鎖簾垂白日幽，為誰乘興獨登樓。
地平嵩岳窓中出，天倒黃河檻外流。
坐對爐烟雲並起，醉搖霜筆樹還秋。
可憐大厦須梁棟，未展那知匠

氏憂

臺寺夏日

古臺高並鬱岩堯，斷塔稜層鎖寂寥。
積雪洞門常慘慘，炎天松柏轉蕭蕭。
雲雷盡壁丹青壯，神鬼虛堂世代遙。
惆悵宋宮偏泯滅，一靈哀怨不堪招。

靈武臺

環縣城邊靈武臺，肅宗曾此辟蒿萊。
二儀高下皇輿建，三極西南玉壘來。
長白山人經國計，朔

明言正卷之五
五
方孤將出羣才可憐一代風雲際不勸君王駕
鶴迴

送施聘之

何景明

海甸春風攬轡情燕關驄馬去還鳴繡衣霄漢
花間出錦纜江湖樹裡行近日西垣多諫草少
年南國有詩名別絃更憶風流調愁聽東城二
月鶯

送馬公順

兩年懷抱值君開聞說京華首重回天上故人
難再見世間岐路轉堪哀孤舟落日三江口遠
客浮雲萬里臺南斗尺書相望切暮天鴻雁幾
時來

岳陽

楚水滇池萬里遊使車重喜過巴丘千家樹色
浮山郭七月濤聲入郡樓寺裏池亭多舊主城
中冠蓋半同遊明朝又下章華路江月湖煙縮
別愁

月潭寺

綠蘿陰下到蒲團茗葉松花進晚餐近水雲霞
晴亦雨傷巖樓閣晝常寒旅懷寥落逢秋半僧
話淹留坐夜闌惆悵塵蹤又南去朝來鐘磬隔
烟巒

晉安

日下孤城生夕烟相逢只說敗師年寨門晝閉
青山上戍角寒吹白漠前寇至不知重嶺隘兵
來能得幾家全居人尚想黔中將統領三軍獨
晏然

秋興

高樓一上思堪哀水盡山空鴈獨迴萬里關河
迷北望無邊風雨入秋來故人尺素年年隔薄
暮清笳處處催徒有寒樽對花發病懷愁絕共
誰開

其二

憶昔京華近侍年五更清珮入朝天鳳皇池接
夔龍會閭闔樓開日月懸南國自通滄海貢胡
塵不動玉門煙只今卧病遙回首夜夜清光北

斗邊

其三

蜀中形勝千年在峽樹江花照使袍神女廟深
虛暮雨漢王臺迥落秋濤漁人東望滄浪闊客
子西來灩澦高不見啼猿繫舟處風波遙夕夢
魂勞

其四

漢水東馳入楚來長沙秋望洞庭開江清樓閣
中秋見日落帆檣萬里迴去國尚思王粲賦逢
時空惜賈生才湘南兩度曾游地惆悵烟花菜
轉哀

西海子

寺下烟波春不開苑中風浪隱樓臺源泉細繞
西山出雲氣深從北極來萬里乘槎觀日月十
年登閣望蓬萊黃塵碧海須臾事莫使魚龍夜
夜哀

寄黔國公

萬里山川開百粵十年戎馬暗三巴伏波銅柱

衝炎塞橫海樓船出瘴沙鴻鴈不傳天北字瓊
瑤空憶日南華飄飄奉使金門客目斷銀河八
月槎

送張元德巡畿內

漢京樓殿鬱雲虹淮海文章御史驄三輔自來
多寇盜五陵今日更豪雄埋輪亦在都亭下攬
轡仍行甸服中滹水太行烟霧裡獨看高隼擊
霜空

送杭憲副兵備天津

天津橋北望京樓金鼓東行節使舟日月晝懸
滄海樹龍蛇春壑九河流百年貢篚通南極萬
里旗旄屬上游莫咲譚兵尊俎上書生元不為
封侯

送王侍御德輝西巡

中朝御史重西巡獨下青霄斧鉞新隴雪洮雲
行塞日胡琴羌管奏邊春蒲桃不博涼州地天
馬還隨漢使臣白筆萬人看氣象肯令河外有
烟塵

明言正
卷之二
懷邊子廷實

汝從元歲侍 今皇誰念先朝老奉常一出雲
霄空悵望十年岐路各蒼茫春天縹緲金莖露
晝日氤氳紫殿香獨有揚雄尚陪從白頭抽筆
賦長揚

鮪魚

五月鮪魚已至燕荔枝蘆橘未應先賜鮮遍及
中璫第薦熟誰開寢廟筵白日風塵馳驛騎炎
天水雪護江船銀鱗細骨堪憐汝玉筋金盤敢

望傳

送鄭繼之歸鰲峰

顧璘

四月燕山雨雪寒省郎多病復辭官路經海上
三神島興在仙人九轉丹玉洞桃花留咲靨滄
江秋水濕漁竿爾家谷口空長往安石東山興
未闌

遊雲峯寺

層峰行盡入巖扉石上烟霞點客衣雲淨海天
諸島出雨晴山郭亂花飛清歌送酒驚春鳥緩

步尋芳帶晚暉聞道真僧長閉戶欲來初地共
忘機

上下諸峯間作

紫蓋峰頭弄白雲朱陵洞口謁玄君湘妃竹點
蒼梧淚神女碑傳玉蕊文未遂著書藏石室空
嗟提劍傷人羣中林散髮何由得徙倚西巖到

日曛

登清涼寺後西寒山亭

晚上高亭對落暉萬山寒翠濕秋衣江流一道

杯中瀉雲樹千門鳥外微古寺頻來僧盡老重
陽欲近蟹應肥霜風惡作蕭條色故弄殘紅繞
客飛

其二

劍化人亡有故城東來海氣帶龍腥煙花樓閣
三千界錦繡山河百二形老托神京堪自隱醉
眠秋澗不知醒長江只在朱闌外莫遣哀歌動
杳冥

沛上懷古

漢祖還鄉歌大風高臺提劍意成虹關西父老
三章約垓下河山百戰功祇見枌榆生故社屢
聞雞犬變新豐經過又是高陽侶醉折桃花薦
酒紅

擬宮怨

漢皇宮殿月明時曾侍宸遊百子池舞馬登牀
春進酒盤龍銜燭夜觀碁御前卻輦言無忌衆
裏當熊死不辭舊恨飄零同落葉春風空遶萬
年枝

寄張拱辰

顧清

萬里乾坤一草廬年來踪跡半樵漁龍紋漸澁
牀頭劍鴻寶虛傳枕內書霜後菊花香漸減月
中楊柳影全踈飛雲欲共真仙語矯首青鸞隲
太虛

十四夜月與李二獻吉飲

王九思

萬戶秋風砧杵哀殊鄉今夕故人来竹間涼露
瀟瀟下樓上浮烟細細迴地僻柴門無過客家
貧尊酒有餘杯踈簾碧簟須同醉明月青天為

爾開

無題

寂寞西風翡翠樓
黃昏斜抱玉笙篴
彩鸞影逐秦簫斷
紅葉心隨御水流
天外行雲難入夢
手中團扇易驚秋
愁來只恐嫦娥笑
明月踈簾不上鉤

寄嘉定章太守

邊貢

六千里外關山道
十二年中風雨愁
書信不隨湖鴈過
夢魂空繞蜀江流
纖纖凍柳含烟裊
萼萼春雲向日浮
多病有懷貪遠望
強扶藜杖一登樓

次韻贈別羅子文

白馬青山杏花苑
東醉游曾記往年
同不愁花盡三春雨
長恨飄蓬萬里風
短札幾回傳嶺外
片帆何日到閩中
南樓素月懷人處
夜夜憑闌向遠空

次韻送都玄敬

秋江浩浩夕波寒
秋岼離離木葉丹
南北路岐

頻駐馬古今懷抱幾憑闌平蕪日下黃雲合舊
國人歸白鴈殘謝傳東山意無限別來誰與共
盤桓

登嶽

玉皇祠畔一憑闌絕頂風高夏亦寒北去塵沙
通瀚海西來天地是長安青雲迴隔三千界白
日平臨十八盤似有飛仙度幽壑鳳笙聲裏珮
珊珊

送後渠崔司成致仕歸安陽

盧龍山畔菊花明一片歸帆五兩輕風入暮林
稀靜葉月明江鴈帶離聲尊前舞袖娛親志袖
裏封章報主情六館有人爭詣闕願從天子乞
陽城

送趙主簿兼東同年呂稽勳仲仁

梁溪渺渺錫山蒼南去天涯客路長霜下海門
潮漸落雨深江甸橘初黃城池舊識延陵郡風
俗猶傳泰伯鄉卻見吏曹憑寄語一年秋色負
重陽

題陳氏水閣次韻

吟倚高樓傍檻西
綺窓回覽夕陽低
雪消芳渚鷗爭泛
春到垂楊鳥自啼
商舸近橋帆影亂
女墻如帶草痕齊
停杯不盡興亡感
六代豪華水一溪

東李獻吉

天涯卧病盡高秋
河上逢人感舊游
歲月浮生雙鳥翼
風塵遠道一狐裘
君還豈為鱸魚膾
我出真同雪夜舟
梅蕊柳條俱動色
幾時携手並

登樓

送丁考功秉憲之關中

鶯花如錦豸袍新
建節西行及好春
周禮職方分二陝
漢都形勝說三秦
天浮紫氣函關動
雨洗青蓮華岳真
藻思還應有神助
詩成先寄故園人

聖旦南太常作

冶城風雨送蕭森
萬國嵩呼五夜心
帝座永懷天共遠
主恩真挹海波深
容臺禮樂還南

北建業江山自古今龍輦鳳旂回首地似聞韶
濩奏餘音

辛巳書事

漢水東流夢澤開雲蒸龍變劃爭迴襄城七聖
翔空下少室三花拂駕來河伯授圖森地軸上
公登冊自中台千秋萬歲應思沛悵慕歌風擬
築臺

赴謫次北新關喜見諸弟

王守仁

扁舟風雨泊江關兄弟相看夢寐間已分天涯
成死別寧知意外得生還投荒自識君恩遠多
病心便吏事閒携汝耕樵應有日好移茅屋傍
雲山

羅舊驛

客行日日萬峰頭山水南來亦勝遊布谷鳥啼
村雨暗刺桐花暝石溪幽蠻烟喜過青楊瘴鄉
思愁經芳杜洲身在夜郎家萬里五雲天北是
神州

興隆衛書壁

山城高下見樓臺野戍參差暮角催貴竹路從
峰頂入夜郎人自日邊來鶯花夾道驚春老雉
堞連雲向晚開尺素屢題還屢擲衡南那有鴈
飛回

南霽雲祠

死矣中丞莫謾疑孤城援絕久知危賀蘭未滅
空遺恨南八如生定有為風雨長廊嘶鉄馬松
杉陰霧捲征旗英魂千載知何處歲歲邊人賽
旅祠

夜宿宣風館

山石崎嶇古轍痕沙溪馬渡水猶渾夕陽歸鳥
投深麓烟火行人望遠村天際浮雲生白髮林
間孤月坐黃昏越南冀北俱千里正恐春愁入
夜魂

陸廣曉發

初日曛曛似曉霞雨痕新霽渡頭沙溪深幾曲
雲藏峽樹老千年雪作花白鳥去邊迴驛路青
崖缺處見人家遍行奇勝纔經此江上無勞羨

九華

入關

朱應登

秋入嶠山見燒痕遺墟繚繞尚成村風塵古郡
甘棠暗嶮岨重關宿草繁人影隔河三晉路煙
花橫塞五陵原觀兵不改周秦舊耀德仍知
聖主尊

滄浪江

千尋鉄鎖貫長橋積翠浮天萬壑遙人向中流
看砥柱路從平地入峇堯未論文教開荒服已

見降王欵聖朝鳥語花明迎使節滄浪江上瘴
全消

棲雲樓

孫一元

樓上閒雲萬頃漫愛雲長日倚闌千巖花半落
嵐光重木葉亂鳴江雨寒野老自甘泉石味兒
童時進蕨薇盤坐來更覺青山好湘簟踈簾靜
裏看

荒村

落日長風吹磧昏荒村寒月動籬門江潮枕上

悲心壯山鬼燈前細語繁亂後客身猶萬里斗
間雲氣望中原欲添春水隨行李更聽漁歌起
釣輪

宿趙州公寓

周埴

終日思歸未得歸西風吹破舊征衣
夷方此去家逾遠塵世年來事轉非
撥悶且憑蠻店酒閑心何獨故山薇
漁竿是處堪投老楊柳陰陰拂釣磯

五月

王廷相

五月涪江信水生淒迷風雨下夔城
舟經巴子峽東夜心折清猿樹裏聲
逐客漫褰幽岼芷孤臣空濯舊時纓
沅湘何處三閭國欲擬招魂吊屈平

第一關次韻上邃菴先生

康海

拂曙披雲到此關喜隨綦履望名山
芙蓉半出青天外沆瀣中分白石間
定有神功扶帝力豈須靈藥駐衰顏
攀藟未覺尋行倦細和新詩日暮還

蔣敬夫守備洮岷

田登

笑彈長劍倚崆峒
萬里天書控北戎
獸錦春生霜塞煖
狼烟秋靜戍樓空
安危獨受廷中筭
戰守俱成閩外功
未許英雄老朔漠
策勲早奏大明宮

送嚴翰林還京

徐問

鈴山太史舊比鄰
十載思君白髮新
詞翰早開三殿色
旌旗今發九江春
沙邊別意憐芳草
天外羈愁望紫宸
為報中朝知己道
江城凋瘵只

宜貧

和康大和再至梧州

我行百粵天應盡
北指浮雲是日邊
春意不緣荒戍隔
官曹常得故人憐
晴川水闊魚龍喜
瘴嶺烟消虎豹眠
便欲循湘從此去
南山東望思悠然

至長陵望茂陵有感

謝鐸

北門誰築此幽都
形勝天開絕代無
四塞河山歸帝業
萬年陵寢識神謨
夢驚清蹕還馳道

痛憶遺弓在鼎湖望斷六龍新蛻地九疑何處
是蒼梧

秋風亭下泛舟

喬宇

荒亭寥落野烟空漢武雄才想像中
簫鼓應聲開畫鷁帆檣飛影動晴虹
山分秦晉群峰斷水入河汾兩派通
少壯幾時還老大不須回首嘆秋風

維揚懷古

鱗次飛甍水映樓繁華從古說揚州
橋邊帝子

吹簫去雲裡仙人跨鶴遊禹甸東迴連海嶠隋
堤西上引淮流遺踪莫問前朝事玉樹瓊花不
耐秋

送盛斯徵赴長沙

徐禎卿

昔愁越雋千峯仄轉入巴渝萬里賒豈料
聖恩憐賈誼猶煩佐郡出長沙蠻中瘴遠三湘水
江畔春逢十月花遙聽岳陽樓上笛可能回首
憶京華

懷李獻吉

明言正學 卷之三十三
客舍秋風動客哀殘花秋日伴殘杯虛名愧我
為身累白眼如君豈吏才落魄京華空老大旅
魂江漢好歸來山川矯首浮雲迴倚杖遙登何
處臺

送廬陵楊二尹

何卑執戟謝京華却愛河陽縣裏花不為遠師
招白社擬從勾令覓丹砂青天挂席浮明月螺
水回舟勝若耶莫學南昌隱君子離羣獨拂五
雲車

送柴光祿入賀

孟洋

擢歌聲裡望行舟渺渺江亭草樹浮卿月近移
龍虎闕使星遙憶鳳皇樓鶯花上苑逢春色風
雨長安憶舊遊聞說 聖朝求直諫肯令汲黯
出皇州

送韓汝節左遷平陽別駕

憐君謫官向平陽汾水襄陵隔太行日暮烟塵
關樹迥春風鴻鴈塞天長時違去國重回首世
難逢人幾斷腸後會不知何處所清霄聊盡此

壺觴

盧龍山次費庶子韻

赤橋丹壁蔭豐林
長夏清風散鶴音
日抱帝城宮闕迴
雲藏仙洞薜蘿深
天涯雪鬢三年客
江上星槎萬里心
唯有闕江名尚在
憑高想像翠華臨

聲卷三十三

